



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Octobrem, Novembrem, Decembrem

Nepveu, François

Monachii, 1709

Dies 20. De cura, quam parentes gerere debent, liberos suos bene
educandi.

[urn:nbn:de:hbz:466:1-60533](https://nbn-resolving.org/urn:nbn:de:hbz:466:1-60533)

Malè mihi est præter te, non solùm ex-November.
tra me; sed & in me ipso, & omnis copia,
quæ non est Deus meus, egestas est.
Aug. 13. Conf.

DIES XX.

De Cura, Quam Parentes Ge-
rere debent liberos suos benè
educandi.

I.

PAtres, matrèsque, omni, qua pos-
sunt, cura sese impendere educatio-
ni liberorum suorum obligantur. *Si quis 1. Timoth. 5.*
suorum, inquit Apostolus, & maximè do-
mesticorum curam non habet, fidem negavit,
& est infideli deterior. Quid efficacius, si
exaggeratio non est? an verò exaggera-
tio esse potest, si Spiritus sanctus id di-
cat? an non liberi primum inter domesti-
cos locum sibi vendicant. Hæc obliga-
tio parentibus ab ipsa natura insita est: ac
priori ipsis amœnissima accidere deberet;
& si ipsis amœna non est, erit ipsis sum-
mè terribilis. Qua namque ratione li-
beri parentibus suis magnopere obstricti
forent, quòd vitam ipsis dederint, quæ
M 4 ipsos

November, ipsos vitiosos, & infelices reddit: nisi etiam ad emendandum infelicem illorum ortum, operam, studiūque suum conferrent, & bona ad virtutem educatione eorum sanctitati, felicitatīque consulerent? hæc est causa, propter quam Pater aliquis verè pater est: hæc est, ob quam liberi parentibus magis obligantur ob bonam educationem, quàm vitam ab ipsis acceptam; cùm præstet, hominem esse probum, quàm hominem duntaxat esse. Annon homo, qui defectu educationis à Deo reprobarur, felicior foret, si homo nunquam fuisset? Parentes criminis reos se arbitrantur, si ob suam negligentiam liberi Baptismi aquis, per quas Christianorum numero aggregantur, lustrati non fuissent; sūntne minùs rei ob neglectam educationem, quæ illos Christianè vivere docet? quid ijs prodest, quòd Christiani sint, si Christianam vitam non agant, nisi, quòd ob hoc excusatione minùs digni sint?

II. Hæc obligatio suavissima accidere parentibus deberet, cùm naturæ propensionibus magis congruat. Ut liberos nostros amemus, sufficit esse patrem, vel matrem: an verò amare eos possumus, & simul eorum educationem negligere? Be-

stia

stia ferocissimæ hanc curam non negligunt; sibimet enim alimenta subtrahunt, vitam suam periculo exponunt, ad vitam catulis suis servandam. An non istarum sollicita cura hominibus hac in re negligentiam, & duritiem suam graviter exprobrat? habentne homines idcirco plus rationis, quàm bestia; ut omnes sensus naturæ, & rationis convellant? hæc obligatio tantò etiam suavior accidere ipsis debet, quantò faciliùs eidem satisfieri potest: teneritudo ætatis, ingenij docilitas, innata liberis facilitas, ad omnia, quæ docere eos volumus, imbibenda reddit habiles: sunt ij ceræ molles, quibus omnes, quas volumus, imprimere figuras possumus; pronius nihil est, quàm teneris adhuc eorum animis sensum pietatis, timorem Dei, horrorem peccati, amorem virtutis inspirare; hæc fugere cum lacte deberent, si eorum parentes verè Christiani forent. Hunc in modum ingenitæ labis vestigia sensum, & sine sensu deleantur, & virtus quodammodò in naturam migraret. Idcirco mater S. Ludovici tantum ei peccati lethalis horrorem impressit, ut eorum nullum unquam commiserit: hæc erat Mater Christi-

November. Christiana. Verum, pro dolor! quam paucae hodie inveniuntur?

III. Hoc munus parentibus valde terribile est, si ei non satisfaciunt: cum rei sint omnium peccatorum, quæ eorum liberi defectu educationis perpetrant. Salus parentum affixa est saluti liberorum; si liberi pereunt ob negligentiam, quam eorum parentes in his bene educandis admittunt, parentes pariter cum ipsis pereunt. Homo aliquis, qui in sua vivendi ratione valde probus, imò & sanctus esset, si liberis careret, pœnis æternis addiceretur, quantumcunque pius videatur, idcirco, quod perversos habeat liberos. Heli vir erat cætera probus; sed cum è negligentia, vel amore immoderato, per bonam educationem non præveniret, nec severa correctione filiorum peccata impediret, horrendis Dei vindictis objectus fuit. Qualem rationem Deus non reposcet à patribus, matribusque, qui se Christianos esse jactitant, & nihilominus liberos suos modo prorsus ethnico educant? qui eis vanitatem, ambitionem, mundi amorem & voluptatem cum lacte instillant, qui suis axiomatis, sermonibus, & exemplis aliud agere non videntur, quam ut funestas peccati originarij reliquias in
ijs

ijs foveant, quàm, ut animi commotiones, qui jam priùs nimium sunt vehementes, in illis animent; atque hasce puras & innocentes animas inquinent. November.

Si matrimonio junctus es, præcipuam gerere curam satage educationis liberorum tuorum; si non es, diligentiam tuam supple, quod educationi tuæ defuisse potest.

Si quis autem suorum, & maximè domesticorum curam non habet, infidelis est, & infideli deterior. *D. Paulus 1. Tim. 5. v. 8.*

Quantò amplius diligunt filios, tantò amplius ad bonam vitam compellunt. *Aug. Epist. 167.*

DIES XXI.

De Festo Præsentationis Beatissimæ Virginis.

I.

BEatissima Virgo in hoc Mysterio Deo se consecrat, ut primum potest, nempe tertio ætatis anno. Eam nec ætatis teneritas, nec corpusculi debilitas, nec in parentes amor absterrent; nihil eam retardat, ubi de se Numini consecrandam agi-